



Služba za prostorno uređenje i zaštitu okoliša
Broj: 05/1 -23- 2297/17.
Dana: 20.12 .2017.

Stručna služba općinskog načelnika i općinskog vijeća
71000 Sarajevo

Predmet: Izvještaj o provedenoj javnoj raspravi na nacrt RP Sovrle 2

Odluku o pristupanju izradi Regulacionog plana "Apartmansko naselje Sovrle 2" – Ilijaš (u daljem tekstu: Plan) donijelo je Općinsko vijeće Ilijaš, na sjednici održanoj 23.02.2017. godine, što je objavljeno u "Službenim novinama Kantona Sarajevo", broj 10/17.

Na sjednici Općinskog vijeća Ilijaš održanoj dana 28.09.2017. godine utvrđen je nacrt RP Sovrle 2, nacrt Odluke o usvajanju i Nacrt odluke o provođenju RP Sovrle 2 i isti stavljen na javni uvid i javnu raspravu u periodu od 29.09.2017 do 13.10.2017 godine, a javna rasprava održana je dana 16.10.2017 godine u sali općine Ilijaš u 14 sati.

U periodu Javnog uvida dostavljena je primjedba (izmjena) grafičkog dilela planskog rješenja od strane Investitora u digitalnom obliku.

Ista usvojena i ugrađena u plan, osim zamjene jedne parcele stambenog objekta za lokaciju rezervoara za snabdijevanje vodom šireg lokaliteta.

Javnoj raspravi prisustvovao je Predsjednik savjeta MZ Podlugovi gosp. Gabeljić Safet i predstavnici općine Ilijaš. Predsjednik MZ-e je upoznat sa planskim rješenjem i na isti je imao primjedbu vezano za rješavanje komunalne infrastrukture, obzirom da postojeća vodovodna i kanalizaciona infrastruktura na širem lokalitetu ne može zadovoljiti planske kapacitete. Smatra neophodnim da se ista rekonstruiše. Prilaz naselju je planiran preko postojećeg naseljskog puta za koji je naknadnom provjerom utvrđeno da je na privatnim licima. Isti su izvršili prodaju parcela na lokalitetu sadašnjim novim vlasnicima i ima širinu jedne saobraćajne trake. Predsjednik MZ-e je preuzeo obavezu održavanja zbora građana zbog zauzimanja stava o mogućnosti korištenja i uslovima građana za rješavanje prilaza naselju preko postojećeg puta kako je i planirano. Nakon održavanja sastanka sa građanima dana 19.10.2017.godine zaprimljen je dopis predsjednika MZ-e dana 20.10.2017.godine.

Prema dopisu građani daju saglasnost za korištenje postojećeg prilaza apartmanskom naselju uz uslov da se put rekonstruiše za dvosmjerni kolski saobraćaj i izgradi trotoar uz isti. -Primjedba prihvaćena i uslovljena obavezom investitora da izvrši rekonstrukciju pristupne saobraćajnice, a što je i sam investitor tražio u postupku pokrenutom kod ovog organa.

Prema zaključcima sa sastanka održanog dana 11.10.2017.godine u prostorijama Zavoda za planiranje razvoja kantona Sarajevo na temu jedinstvenog rješenja sistema komunalne infrastrukture za lokalitete apartmanskih naselja Sovrle, Sovrle I i Sovrle II predložena je lokacija za izgradnju rezervoara za vodosnabdijevanje lokaliteta na dio k.č. 1003 K.O. Podgora I. Rješenje podržano od strane predstavnika općine Ilijaš, JKP Vodostana i Zavoda za planiranje razvoja KS.

Primjedba prihvaćena i prijedlog rezervoara planiran na parceli u obuhvatu plana, na lokaciji investitora.

Služba za prostorno uređenje i zaštitu okoliša

Općina Ilijaš, ulica 126 Ilijaške brigade br.8,
Služba za prostorno uređenje i zaštitu okoliša
tel. (+387 33) 580-663, 580-664, Fax 033-580-670

